

Concello de Covelo

DECRETO DE ALCALDÍA

O Concello de Covelo ten previsto editar 2000 Calendarios de parede de 24 páxinas con brillo 150 con cuberta tamén en brillo 300 GR, impresos a color y perforados, nos que se incluírán 12 fotografías de interese turístico, cultural e patrimonial das catorce parroquias que forman o concello de Covelo. Dito calendario do ano 2021 editarase no mes de decembro e repartirase na época de nadal en tódolos domicilios dos veciños e veciñas do concello de Covelo.

A selección das fotografías realizarase con un concurso.

Para o desenvolvemento desta actividade e en uso das facultades que me confire a lexislación vixente, RESOLVO: APROBAR AS SEGUINTE BASES:

I CONCURSO FOTOGRAFICO CALENDARIO CONCELLO COVELO 2021 “COVELO DESDE A MIÑA XANELA” SABADO 7 DE NOVEMBRO DE 2020

BASES CONVOCATORIA QUE REXERÁN O I CONCURSO DE FOTOGRAFÍA PARA A TEMÁTICA DO CALENDARIO DO CONCELLO DE COVELO 2021 “COVELO DESDE A MIÑA XANELA”.

1. OBXECTO DA CONVOCATORIA

É obxecto desta convocatoria, o fomento da participación da veciñanza en actividades de índole artística e creativa no concurso de fotografía COVELO DESDE A MIÑA XANELA.

2. CREDITO ORZAMENTARIO

Destínase 420 € con cargo á partida 432.226.02

3. PARTICIPANTES

Poderán participar todas as persoas interesadas.

Quedan excluídos do concurso calquera empregado do concello, pero non os seus fillos, xa que se considera que os/as nenos/as non teñen que verse afectados. Así mesmo, tamén quedan excluídos os familiares directamente relacionados co xurado (fillos ou parella).

A participación nestes concursos supón a plena aceptación das presentes Bases e a conformidade coas decisións do xurado.

4. INSCRICIÓNS

O prazo de **admisión** no concurso abrirase no momento da publicación das bases e o prazo de inscrición pecharase o luns 9 de novembro de 2020, ás 13.30 h. As fotografías deben presentarse na Biblioteca Municipal ata as 13.30 h. do día 9 de novembro de 2020.



Concello de Covelo

5. REQUISITOS

Presentación das fotografías: fotos en cor ou en branco e negro, de tema COVELO DESDE A MIÑA XANELA. Deben ser impresas en papel fotográfico de tamaño 21x30 cm. (300 p.p). Cada participante poderá presentar un máximo de dúas obras.

As fotos serán presentadas baixo un código escrito no respaldo da fotografía facilitado na biblioteca, e sen datos do autor.

Irán acompañadas dun sobre pechado, e no exterior deste figurará o mesmo código que o das fotografías e no interior do sobre depositarase unha nota co nome, apelidos, domicilio e teléfono de contacto do autor.

6. DESENVOLVEMENTO DO CONCURSO

Celebrarase o sábado 14 de novembro ás 20.00 h. no auditorio municipal do Concello de Covelo, onde se exporán as fotografías presentadas.

7. COMPOSICIÓN DO XURADO

O xurado estará formado por diversas persoas cualificadas para exercer esta función, en numero impar, presidido polo Alcalde, e actuando como secretaria, a xuíza de paz do concello de Covelo.

Vogais: 2 FOTOGRAFOS/AS.

8. CRITERIOS DE AVALIACIÓN DO XURADO

O Xurado considerará, prioritariamente a creatividade, o vigor da imaxe gráfica, a idoneidade do traballo e a sintonía co lema “COVELO DESDE A MIÑA XANELA”, valorando de 1 a 10 puntos a calidade, e de 1 a 10 a orixinalidade.

O fallo do xurado levarase a cabo o mesmo día do concurso, onde se terán expostas as obras presentadas.

9. PREMIOS

Estableceranse 3 premios.

1º PREMIO: 1 cheque agasallo de 250 €

2º PREMIO: 1 cheque agasallo de 120 €

3º PREMIO: 1 cheque agasallo de 50 €

Os premios faranse efectivos identificándose nas oficinas de Intervención do Concello de Covelo, comunicarán o establecemento dentro do termo municipal do Concello de Covelo onde queren trocar o cheque-agasallo para que a persoa responsable autorice ese gasto e se poña en contacto co establecemento para comunicarlle os datos da persoa premiada xunto co importe do gasto. Este gasto deberá ser exactamente igual que o importe do premio.

10. RESPONSABILIDADE E PROPIEDAD INTELECTUAL

A organización non se fai responsable de extravíos ou danos que poidan sufrir as fotografías presentadas ó concurso.

Os participante no concurso cederán ó Concello de Covelo a propiedade das fotografías. Ó mesmo tempo, o Concello de Covelo adquire en exclusiva e no ámbito mundial,



Concello de Covelo

todos os dereitos económicos da propiedade intelectual inherentes á todas as fotografías presentadas, e poderá libremente e sen pago de mais prezo, proceder á reprodución, distribución, comunicación pública e transformación durante o prazo sinalado no artigo 26 do Texto Refundido da Lei de Propiedade Intelectual, tendo dereito a expresar as obras por calquera medio ou soporte tanxible ou intanxible, actualmente coñecido ou que se invente no futuro.

O Concello de Covelo, gardase o dereito de quedarse e utilizar as fotografías que deste concurso se deriven para uso exclusivo de promocións turísticas ou culturais e precisamente neste caso para a edición do calendario do Concello de Covelo 2021.

11. PUBLICIDADE

As bases e a súa convocatoria publicarase no Taboleiro de Anuncios e na páxina web do Concello de Covelo.

Covelo, na data que figura na marxe.

